

元

詩

紀

事

六

元

年

七

月

日

元詩紀事卷十八

侯官陳衍綰

迺賢

迺賢字易之本葛邏祿氏譯言馬也南陽人薦授翰林編修
官有金臺集

王忠文公集河朔訪古記二卷合魯君易之所纂予爲之序
曰合魯實葛邏祿本西域名國而易之之先由南陽遷浙東
易之少力學工爲文辭既壯肆志遠游乃絕淮入潁經陳蔡
以抵南陽由南陽浮臨汝而西至於洛陽由洛陽過龍門還
許昌而至於大梁歷鄭衛趙魏中山之郊而北達於幽燕於
是大河南北古今帝王之都邑足跡幾徧凡河山城郭宮室

塔廟陵墓殘碣斷碑故基遺跡所至必低徊訪問或案諸圖牒或訊諸父老考其盛衰興廢之故而見之於紀載至於撫時觸物悲喜感慨之意則一皆形之於詠歌旣乃裒其所記載及詠歌之什以成此書

潁州老翁歌

潁州老翁病且羸蕭蕭短髮秋霜垂手扶枯筇行復却探瓢勺食河之湄我哀其貧爲顧問欲語哽咽吞聲悲自言城東昔大戶腴田十頃桑陰圍闔門老稚三百指衣食儘足常懸錐縣一作縣河南年來數亢旱赤地千里黃塵飛麥禾槁死粟不熟長饑挂壁羣生衣黃堂太守足宴寢鞭扑百姓窮膏脂聒天絲竹夜酣飲陽陽不問民嗟飢市中斗粟償十千饑人煮蕨供晨炊木皮剝盡草根死妻子相對愁雙眉

鵠形累累口生燄鬻割餓孥無完肌姦民乘隙作大盜腰弓跨馬紛
驅馳嘯呼深林聚兇惡狎弄劍槩搖旌旗去年三月入州治踞坐堂
上如熊羆長官邀迎吏再拜餽送牛酒羅階墀城中豪家盡剽掠况
在邨落人煙稀裂囊剖筐取金帛煮雞殺狗施鞭笞今年灾虐及陳
穎疫毒四起民流離連邨比屋相枕藉縱有藥石難扶治一家十口
不三日藁束席卷埋荒陂死生誰復顧骨肉性命喘息懸毫釐大孫
十歲賣五千小孫三歲投清漪至今平政橋下水髑髏白骨如山崖
繡衣使者肅風紀下車訪察民瘡痍綠章陳辭達九陛徹樂減膳心
憂危朝堂雜議會元老恤荒討賊勞深機山東建節開大府便宜斬
磔揚天威親軍四出賊奔潰渠魁梟首乾坤夷拜官納粟循舊典戰
士踴躍皆歡怡淮南私廩久紅腐轉輸豈惜千金資遣官巡行勤撫

元請終事卷一
慰賑粟給幣蘇民疲獲存衰朽見今日病骨尙爾難撐持嚮非聖人
念赤子填委溝壑應無疑老翁仰天淚如雨我亦感激愁歔歔安得
四海康且阜五風十雨斯應期長官廉平縣令好生民擊壤歌清時
願言觀風采詩者慎勿廢我穎州老翁哀苦辭

金臺集狀物寫景之工固詩家之極致而繫於風化補於政
治尤作者之至言易之此詩兼得之矣禮部侍郎汝陰李黼
子威書 易之此詩格調則宗韓吏部性情則同元道州必
有能知之者監察御史太僕危素書 至正四年河南北大
饑明年又疫民之死者過半朝廷嘗議鬻爵以賑之江淮富
人應命者衆凡得鈔十餘萬定粟稱是會夏小稔賑事遂已
然民罹大困田萊盡荒蒿蓬沒人狐兔之跡滿道時余爲御

史行河之南請以富人所入錢粟貸民具牛種以耕豐年則收其本不報覽易之之詩追憶往事爲之惻然八年三月翰林待制武威余闕志

京城燕

三月京城寒悄悄燕子初來怯清曉河隄柳弱冰未消牆角杏花紅
萼小主家簾幕重重垂銜芹却向一作檐間飛托巢未穩井桐一作

墜翩翩又向天南歸君不見舊時王謝多樓閣青瑣無塵卷珠箔海棠花外春雨晴芙蓉葉上秋霜薄

金臺集自注京城燕子三月盡方至甫立秋卽去有感而作
巢湖述懷寄四明張子益

憶昔移家東海上萬斛龍驤跨鯨浪三神宮闕渺何許弱水茫茫空

悵望前年去作燕山遊羸驂短褐風颼颼昭王臺前月似水荆卿驛
畔天如秋病骨苦寒情苦倦南下瀆河疾於箭清晨雙櫓發呂梁黃
昏已泊桃源縣生來每歎蜀道難去年我亦登蒼山馮公嶺頭日不
到肩輿履雪梯孱顏僕夫緣崖如凍蟻下頰鐔山深澗底人家半出
松樹頂白雲却向山腰起今年四月江西歸小姑正對彭郎磯三更
掛帆海門過一川草樹浮晴暉我生胡爲自役役孟浪江湖竟何益
清霜鏡底縈鬢絲坐對篝燈空嘆息愁來鬱鬱不可當結交賴有張
家郎臨風同歌紫芝曲掃石大醉黃金觴我家南陽天萬里十年不
歸似江水秋來忽作故鄉思裹劍囊衣渡揚子玩鞭亭下江縈紆淮
山楚樹青扶疎一帆西風出巢縣眼明墮此清冰壺湖水漫漫接天
杪天底更覺青山小倦飛沙鳥戛漁艇倒影芙蓉涵碧藻涼波不動

舟如飛櫂歌窅窅聲相隨江東雲樹轉頭失淮西山水尤清奇故人
江南不可見千里相思情眷戀門外梅花知未發屋頭柿葉題應徧
期君不來爭奈何青天落日搖滄波明年歸來賀山下與君共讀巢
湖歌

金臺集易之詩中所歷之景予皆嘗過之所未至者巢湖耳
易之有此清雄俊拔之句予無一語者人各有能有不能也
太常博士危素書

新鄉媪

蓬頭赤脚新鄉媪青裙百結邨中老日間炊黍餉夫耕夜紡棉花到
天曉棉花織布供軍錢借人輾穀輸公田縣裏公人要供給布衫剝
去遭笞鞭兩兒不歸又三月祗愁凍餓衣裳裂大兒運木起官府小

兒擔土填河決茅欄雨雪燈半昏豪家索債頻敲門囊中無錢甕無粟眼前只有扶牀孫明朝領孫入城賣可憐索價傍人怪骨肉分離豈足論且圖償却門前債數來三日當大年阿婆墳上無紙錢涼漿澆溼墳前草低頭痛哭聲連天恨聲不作三韓女車載金珠爭奪取銀鐙燒酒玉杯飲絲竹高堂夜歌舞黃金絡臂珠滿頭翠雲繡出鴛鴦稠醉呼閹奴解羅慢牀前熱火添香篝

金臺集右新鄉媼一首余同年塏海仲良宣慰君之仲氏迺賢易之之所作也其詞質而婉豐而不浮其旨蓋將歸於諷諫云爾昔唐白居易爲樂府百餘篇以規諷時政流聞禁中卽日擢爲翰林學士易之他詩若西曹郎潁州老翁等篇其關於政治視居易可以無媿而藻繪之工殆過之矣况今天

子聖明求言之誥播在天下當此之時易之之詩或經乙夜之覽則其眷遇又豈下於居易哉故余三復之餘謹識其後以俟南臺中執法濮陽蓋苗耘夫書於京師寓舍

金臺集楊彝跋余謂易之之詩如潁州老翁西曹郎巢湖新鄉媪新隄等篇撫事感懷若不經意而盡所欲言有得於風人之旨者當不謝於古人況其所工者復不下是茲固可信其必傳也

三峰山歌

井序

鈞州陽翟縣南有山曰三峰昔我睿宗在邸嘗統兵伐金與其三將完顏合達移刺蒲兀完顏斜烈等鏖戰山下敗其軍三十萬而金亡矣今百餘年樵牧往往于沙礫中得斷稍遺

鏃印章之類至正五年嘉平第二日予自鄰城將上京師道
出陽翟夜宿中書郎郭君彥通私館感父老之言而作歌曰
落日慘淡黃雲低懸崖古樹攢幽溪三峰山頭獨長嘯立馬四顧風
淒淒溝邊老翁行偃僂勸我停驂爲君語山前今日耕種場誰識當
年戰爭苦金源昔在貞祐閒邊塵四起民彫殘燕京旣失汴京破區
區恃此爲河山大元太子神且武萬里長驅若風雨鑿兵大雪三將
死流血成河骨成堵朱鸞應瑞黃河清金將亡新鄉河清鼓山聖人啟
運乾坤寧當時流離別鄉井歸來白髮歌承平曠野天寒霜簌簌夜
靜愁聞山鬼哭至今壘上牧羊兒猶向草根尋斷鏃論功衛霍名先
收黃金鑄印身封侯英雄半死鋒鏑下何人酹酒澆荒丘

金臺集余比修國史睹三峰之役金師三十五萬來拒戰我

師不敵軍於山之金溝其軍數重圍三峰而中夜大雪金人
戈戟弓矢凍纏莫能施我師一鼓殲之自是金人膽落不復
戰矣易之作歌辭豪健激昂而奕奕有思致殆與三峰長雄
置之樂府饒歌閒揚厲無前之盛績良無媿也晉寧張翥題

汝水

騎馬涉秋水泠泠戰骨聲寒沙沈斷戟殺氣暗殘營自欲全忠義誰
能顧死生千年董狐筆端不媿田橫

金臺集自注天兵與宋合攻蔡州城既破金右丞完顏仲德
率將士六百人突圍遁至汝水回顧城中煙焰張天仲德下
馬謂將士曰國已亡余居宗室且備位宰相義固當死諸公
宜早降諸將大譟曰相公能死吾輩獨不能死耶六百人皆

元詩紀事卷十六
六
奮然赴汝水以死

塞上曲

雙鬟小女玉娟娟自卷氊簾出帳前忽見一枝長十八折來簪在帽
簷邊

金臺集原注長十八草花名

南城咏古十六首

井序

至正十一年八月既望太史宇文公太常危公偕燕人梁處
士九思臨川黃君殷士四明道士王虛齋新進士朱夢炎與
余凡七人聯轡出遊燕城覽故宮之遺跡凡其城中塏廟樓
觀臺榭園亭莫不徘徊瞻眺拭其殘碑斷柱爲之一讀指廢
興而論之余七人者以爲人生出處聚散不可常也解后一

日之樂有足惜者豈獨感慨陳迹而已哉各賦詩十有六首
以紀其事庶來者有所徵焉河朔外史迺賢序

黃金臺

落日燕城下高臺草樹秋千金何足惜一士固難求滄海誰青眼空
山盡白頭還憐易河水今古只東流

金臺集自注大悲閣東南隗臺坊內

憫忠閣

高閣秋天近金仙寶珞齊青山排闥見紫氣隔城迷朱棋浮雲濕瑯
檐落照低因懷百戰士惆悵立層梯

自注唐太宗憫征遼士卒陣亡而建

壽安殿

夢斷朝元閣來尋賣酒樓
野花迷輦路落葉滿宮溝
風雨青城莫河山紫塞愁
老人頭雪白扶杖話幽州

自注殿基今爲酒家壽安樓

聖安寺

蘭若城幽處聯鑣八月來
寶華幢蓋合袞冕畫圖開
斷碣蒼苔暗空庭落葉堆
飢鶩不避客攫食下生臺

自注寺有金世宗章宗二朝象

大悲閣

閣道連天起丹青飾井幹
如何千手眼只著一衣冠
金榜文龍挾瑯蔓吻獸攢
憑高天萬里白紵不勝寒

自注閣榜虞世南書

鐵牛廟

燕人重東作鎔鐵象牛形角斷苔花碧蹄穿土鏽腥遺蹤傳野老古
廟託山靈一酌壺中酒穰穰黍麥青

雲仙臺

臺殿青冥外團團海月涼隔簾聞鳳管秉燭奏
一作霓裳銅雀晨霞
眩金盤夕露灑仙人不復返愁殺海生桑

自注今之望月臺

長春宮

羸驂蹋秋日一作水迢遞謁琳宮松子花飄落溪流板閣通樓臺非下
土環珮憶高風草昧艱難日神仙第一功

自注全真丘神仙處機之居大祖常召至西域之雪山誦道